

membrana dilute fusca, nervis obscurioribus. Corpus subtus nigropiceum vel rufo-testaceum, nitidum, glabrum. Pedes, præsertim postici, longi, rufo-testacei; tibiis parce fusco-spinulosis, posticis interdum apice breviter infuscatis; tarsis albidis, apice dilute fuscis.

20. *Phytoconis Lucorum*: supra dilute grisescenti-flavescens, breviter albedo-pubescentis, subtus pallide-virescens; antennis articulo secundo apice late, tertio basi excepto, quartoque toto nigro-fuscis; prothorace confertim punctulato; scutello lineis duabus longitudinalibus fuscis; hemelytris ante cuneum cuneoque apice dilute fuscis; membrana albida, parce dilute fusco-variegata; femoribus posterioribus apice fusco-variegatis. ♂♀. Long. 4½, lat. 2 millim.

*Var. a* dilute flavescens, lineis scutelli, signaturis hemelytrorum obsoletis, abdomine toto pallido.

In gramine locis umbrosis mense Aug. prope Holmiam sæpe frequenter inveni.

Statura et similitudine *Phytoc. campestris*, dimidio tamen minor. Caput sub-triangulari, griseo-flavescens, nitidum, sub-læve, supra modice convexum, apice ipso sub-elevatum, fuscum, vertice postice tenuiter fusco-marginato; rostro inflexo, apice infuscato; oculis oblongis, convexis, nigris. Antennæ dilute flavescens, sub-tenuis, articulo primo capite transverso dimidio longiore, secundo longo, apice sat late infuscato, tertio quartoque tenuioribus, fuscis, illo antecedente duplo brevior, basi dilute flavescens, hoc adhuc brevior. Prothorax latitudine postica multo brevior, apice truncatus, tenuiter reflexo albidomarginatus, lateribus basin versus subito oblique ampliatis; postice sub-truncatus, ad angulos leviter rotundatus, supra convexo-declivis, griseo-flavescens, nitidus, tenuiter albedo-pubescentis, subtiliter, at distincte, crebre punctulatus, ante basin interdum linea transversa, tenui, fusca. Scutellum triangulare, griseo-flavescens, nitidum, supra convexum, subtiliter, crebre punctulatum, lineis duabus longitudinalibus, interdum latis, basi confluentibus, nigro-fuscis. Hemelytra flavo-grisescentia, sub-nitida, subtiliter, crebre punctulata, albedo-sericea, corio apice sat late, transversim cuneoque apice ipso fuscis; membrana albida, parce dilute fusco-variegata. Corpus dilute virescens; abdomine supra, marginibus elevatis exceptis, nigro. Pedes dilute-virescentes; femoribus posticis a medio ad apicem plus minusve crebre fusco-irroratis.

21. *PHYTOCORIS nigriceps*: oblongus, niger, sub-nitidus, dense, breviter albedo-pubescentis; prothorace brevi, lato, supra subtiliter, crebre punctulato, ante medium transversim impresso scutelloque dilute luteis, hoc utrinque infuscato; hemelytris pedibusque lutescentibus, cuneo saturatiore; membrana, tarsisque apice fuscis. ♀. Long. 5, lat. 2 millim.

In Ostrogothia ad Gusum specimen unicum a Dom P. F. WAHLBERG lectum.

Primo intuitu *Phyt. melanocephalo* similis, antennis brevioribus, nigris, prothorace antice latiore, ante medium transversim impresso, scutello utrinque infuscato, ab illo facile distinctus. Caput sub-tri-